

**50**

HARI LAGI

## SUKAN SEA KE-29

KUALA  
LUMPUR  
2017

19-30 OGOS 2017

UTUSAN MALAYSIA  
29/6/2017 P.27

# Zaidatul Husniah galas tanggungjawab besar

**KUALA LUMPUR 28 Jun** - Ratu pecut negara, Zaidatul Husniah Zulkifli mengakui tugasnya sebagai pelari terakhir dalam acara 4x100 meter membuatkan dia lebih bertanggungjawab untuk mencatat masa terbaik pada Sukan SEA Kuala Lumpur (KL2017), Ogos ini.

Kata Zaidatul Husniah, kejayaan kuartet tersebut memperbaharui rekod kebangsaan pada Terbuka Thailand, 16 Jun lalu turut menjadi pembakar semangat buat dia dan tiga lagi rakan sepasukan untuk meraih kesemerlangan lebih besar.

Pada Terbuka Thailand, kuar-

tet yang dianggotai Shereen Samson Vallabouy, Siti Fatimah Mohamad, S. Komalam Shally dan Zaidatul Husniah mencatat 45.19 saat, memadam rekod terdahulu, 45.32s yang dicipta pada Terbuka Singapura 2016.

Catatan di Singapura itu dilarak oleh gandingan Siti Fatimah, S. Komalam, Zaidatul Husniah dan Nurul Faizah Asma Mazlan.

"Sebelum ini saya adalah pelari kedua namun ketika di Thailand baru-baru ini saya telah diminta oleh jurulatih menjadi pelari terakhir.

"Peranan pelari keempat ini amat penting kerana memerlukan larian yang amat pantas bagi membolehkan pasukan mendapatkan catatan masa terbaik.

"Saya terima tanggungjawab sebagai pelari terakhir ini dengan baik dalam masa sama akan terus memastikan prestasi saya berada di tahap yang membanggakan," kata Zaidatul Husniah ketika dihubungi *Utusan Malaysia*.

Sementara itu, Zaidatul Husniah turut memberitahu bahawa kejohanan terakhir yang bakal disertai

bagi acara 4x100m sebelum KL2017 ialah dalam Kejohanan Trek dan Padang Asia (ATF) di India pada 6 hingga 7 Julai ini.

"Kejohanan tersebut akan menjadi penentu barisan kuartet yang bakal mewakili negara dalam Sukan SEA 2017.

"Dalam kejohanan di India itu juga kami dapat melihat kekuatan sebenar lawan dari rantau Asia Tenggara sekali gus membolehkan jurulatih membuat penilaian," kata Zaidatul Husniah.



ZAI DATUL HUSNIAH